

Preterea labor, excubie, rogatio crebra,  
Ne caro languentem necet incrassata pudorem.

Castus agit, quem nulla libido movet vigilantem,  
Nec violare potest sopitum illusio feda.

Aliter.

Grandia lauta modum turbant plerumque diete.  
vel es

Indulgens stomacho, mentem male crapula vexat.

Si parcas epulis, sequitur detractio, vel laus.

Ut medias teneas labor est, et valde cavendum,

5 Ne tibi tristiciam pariat, sicut suus est mos.

Si possis igitur, prorsus hæc prandia vita,

At si non liceat, hylaris cautusque recumbe,

Et<sup>1</sup> liba cuncta parum quæquæ tibi regula dictat,

Ne summam nimiam coniectent multa minuta.

Hierauf folgt der schon a. a. O. S. 99 abgedruckte<sup>2</sup> 'Rithmus domni Gibuini Lingonensis episcopi de paradiso', und darauf die Beschreibung eines Spieles.

Versus de ludo qui fit cum<sup>3</sup> xxvii tesselis.

Ordine fit primus regali nomine functus,

Candidus ad dextram bis binus deinde lapillus,

Ordine servato cumulatis quinque nigellis,

Uno sub nigro sedem retinente<sup>4</sup> propinquam.

5 Mox assint terni, quos candida forma decorat.

Proximus huic fiat fuscus quem vultus obumbrat.

Nunc numero compar disparque colore sequatur,

Ut niger hinc recto statuatur in ordine duplex,

Atque locus pateat binis comitantibus albis,

10 Neve nigris ternis sic desit copia standi,

Unica sors albi demum sua castra capessat,

Alterius forme duplo consorte vocato,

Quo sibi candentum facies ascita dualis,

Iam niger accedens variatum terminet orbem.

Alius modus iocalis<sup>5</sup>.

Quidam nocte niger dux nomine, candidus alter,

Nocte subintrarunt unica tecta simul.

Extiterat numero quindenus candidus ipse,

Totque niger nigros, more, colore pares.

5 'Candide, de nostris primus quis' dixerat alter

'Providet excubias? nam tua dicta sequar'.

E contra placido respondit candidus ore:

'Iudicio nolo quemque gravare meo,

Ne nova lis socios per me conspiret in arma.

1) Sic! 2) Dasselbst ist 6, 3 'constructi', 9, 3 'Et' zu lesen. Gibuin war Archidiaconus von Langres, 1077—1082 Erzb. von Lyon. 3) 'cum' fehlt Rem. 4) 'retinere' Rem. 5) Im Clar. fehlt die Ueberschrift.